



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCLXIII. Abt und Convent des Klosters Huseburg bescheinigen dem Propste und dem Rathe zu Salzwedel die Zurücklieferung des dem Kloster entwandten Heiligthumes, am 28. September 1398.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

in der olden stat zoltwedell de theyn mark fuluers nemen vte sinem erue vnd redestem gude van stundan, wor he dat best, sunder Jengherleye rechtfdwangh, wan se dar vmme ghemant werden. Weret auer, dat des neen not en wer bynnen dessen vorseuen XIII Jaren vnd scheghet, wan de vorseuen XIII Jare vmme comen weren, dat yment queme, de beter recht hedde to deme erghenomenen ghelde, wan Hans van Jetze vorghenomet; So scholde se Hans van Jetze ader sine eruen de vorseuen theyn mark fuluers dem rade in der olden stad zoltwedel van stundan weder gheuen, wan se dat van en esschende sint. To thughe desser stucke desses schycht vnd daet hebbe wy vnser stad ingefegel henghen laten an dessen bryf, gheuen na godes bort drutteyn hondert Jar, in achte vnd neghenteghyften Jare, des neghesten vrydages na sunte Johannis daghe vor der porten.

Nach dem Originale des Salzweleer Archives XVII, 25.

CCLXIII. Abt und Convent des Klosters Huseburg bescheinigen dem Propste und dem Rathe zu Salzwedel die Zurücklieferung des dem Kloster entwandten Heiligthumes, am 28. September 1398.

We Siuert, abbet, hinric, prior, vnde gantze conuent des klosters to huyelborgh Bekennen vnde betughen openbare vor vns vnde vnse nakomelinghe vor allen luden, de dessen bref sen edder horen lesen, dat we vnde alle vnse heren vnser klosters to huyelborg ledlich vnde los laten de erliken lude den prouest der kerken vnser vrowen to zoltwedel vnde den rat in der olden stat zoltwedel des hilchdomes, dat en to vnser truwen hant vnser klosters antwort was, dat peter wytinghe vns vnseme klosteren dusliken entfernet hadde, dat de vorseuen prouest to zoltwedel vnde de rat dar fulues van vnser beide vnd ghehetes weggen weder antworden hebben hern bartolde van der helle, vnsem mede heren vnser klosters, vnde hern Johanne makewitte, capellane to sente katherinen in der nyenstad zoltwedel, to vnser hant vnd vnser klosters vnde seggen ledich vnde los den vorseuen prouest vnde rat to zoltwedel aller ansprake, de we ichte vnse nakomelinghe to en hebben mochten vmme dat sulue hilichdom vnde we vnd vnse nakomelinghe willen se des degher vnde al schadelos halden van vnser weggen vnde vnser nakomelinghe, wanne vnd wur on des not is. To orkunde hebbe we dessen bref beseghelt myd vnser abbedye vnde conuentes inghefelgel vnde is gheschen na godes bort dusent iar dre hondert, in deme achten vnd negentigsten iare, in sunte michalis auende des artzengles.

Nach dem Originale des Salzwe. Archives XLI, 7.